

WYTER GA

CA ROHRER DANIEL

Du seisch, i söll jiz ändlech-
wyter ga..

Uf ke Fall, chönn ig jiz hie -
Blybe stah...

I ha ke Ahnig, i weiss nid won ig jiz söll -
härega...

Uf ke Fall, wett ig dir jiz hie -
ir Sunne stah...

Wyter, wyter, wyter, wyter
wyter gaaaa...

Alles was i bruche, das han i ja scho, aber i wott -
No meh ha...

Jede Tag ir Wuche, jedi Stung im Tag -
gan i draa...

Schaffe, Schufte, Chrampfe, Bügle, nume nie -
Nache lah...

I bi ganz dick drinne, jiz muess es eifach immer so -
Wyter ga...

Wyter, wyter, wyter, wyter
wyter gaaaa...

Der G'schyder git nache, der Esel, dä blybt -
Dä blybt stah...

Vo all dene Esle wo im Wäg umestöh, würd mi kene -
düre lah...

Derby wott i doch nume uf mym Wäg, eifach graduus -
Wyter ga...

Oder chämt i äch wyter, wenn i zwüschedüre mau würd -
Blybe stah...

Wyter, wyter, wyter, wyter - wyter gaaaa...

Wyter, wyter, wyter, wyter - wyter gaaaa...

Wyter, wyter, wyter, wyter - wyter gaaaa...